



DEO OPTIMO MAXIMO
UNI ET TRINO,

VIRGINI DEIPARÆ, ET S. LUCÆ
Orthodoxorum Medicorum Patrono,

QUÆSTIO MEDICO-CHIRURGICA,
QUOD LIBETARIIS DISPUTATIONIBUS
manè discutienda in Scholis Medicorum, die Jovis primâ
Aprilis anni M. DCC. XXXIV.

M. NICOLAO LE ROY DE S. AIGNAN,
Doctore Medico, Præside.

An Vulneribus ex Catapultis globulos plumbeos relinquere
aliquandò præstat?

I.



D vitam unus tantùm patet ingressus ad mortem
innumeri ; ut illam doloribus auspicamur, sic ab eâ
ejicimur laborum vi : undique mala circumstrepunt ;
ubique bellum & insidiæ. Mundus in solius hominis
utilitatem factus, videtur odio in ipsum plenus. Hyems
scelerato frigore necat. Ver infiniti morborum numero de medio

2

collit: Æstas immodicâ siccitate, vitæ principia depopulatur. Autumnus cum fructibus, ut par sit mensûra malorum, morbos creat atrocissimos, qui mortales plerumque ex viventium numero expungunt: Aft non satis est ut natura per se fit adeo malorum ferax, acuitur ferrum, temperantur venena, accenditur flamma, ut corporis & animæ dirimatur societas. Hinc innumeræ armorum species, si ex ligno tantum, ut fustes & clavæ herculeæ, contundentes; si ex ferro simul & ligno, enses scilicet, gladii, sagittæ, tela, lanceolæ, non solum carnes sed & venas, arterias, tendines, membranasque secant, larduntque; Si ex ære, ferro & igne ut sclopeti, catapultæ, tormenta bellica, non solum contundunt ac dividunt, sed partes dilacerantur, earum substantia consumitur, gangrænâ & sphacelo pereunt, undè vulnera & plagæ omnis generis sobolescunt, quibus solidorum ordo fluidorumque mixtio penitus turbatur.

I I.

CORPUS humanum nihil aliud est quam congeries indefinitorum canaliculorum, tubulorum, vasculorum, fluida varii generis corpuscula transmittentium; si aliquid grave supra incidat ac idipsum collidat, continuitatem solvat citrà deperditionem manifestam substantiæ aut externam rupturam, in parte carneâ cruor colligatur sub cute, venæ exiguæ rumpantur, est tantum contusio; si in eâdem parte fiat solutio continui ab instrumento secante aut pungente cum violentiâ, vulnus simplex audit; si à violentiâ quâdam extrinsecus in os adveniat, fractura; si plaga sit cutis, carnis, venarum, arteriarum, nervorum, vi ignis impressa, humidum radicale illico exsiccatur, caro, venæ, arteriæ, nervi, contrahuntur, in escharam siccantur: tunc corpus sit impurum, pravis humoribus refertum, iis ad partem affectam confluentibus vulnus sordescit, caro contusa putrescit, nativus calor destruitur & glissante serpenteque contagio partes vicinæ infestantur, nec non facile in gangrænâ degenerant, nisi citò adhibeantur remedia.

I I I.

MAGNO vibratur impetu globulus plumbeus cutemque attingit: statim partes ictæ, nervi, tendines, fibræ atque varii tubuli variè dirumpuntur; tum contusione & attritu maximam concipiunt inflammationem & putredinem, undè vulnus

complicatum, quod fit ex ichūs vehementiā multarumque partium, præsertim nervearum divortio; hinc statim fiunt stagnationes, coagulationes, sunt nova concreta, variæ oriuntur excrescentiæ, quibus accedunt interdum æris ambientis intemperies, ut cœlum Austrinum, corporis Cacochymia, fragmenta ferrea, flocci, tomenta, vestimentorum frustula, pulveris pyrii portio quædam ignescens & similia, quæ rapidè in corpus trusa dolores excitant, fluxiones movent, Erethismum partibus solidis creant, undè impeditur earum coalitus.

I V.

PLUMBUM^r metallum est constans ex sulphure indigesto, sale aluminoso, ac mercurio naturam antimoniam amulante; refrigerat, astringit, incrassat, vulnera carnibus implet, cicatricem obducit, vulneribus cancris & putredinosis convenit virtute suâ exsiccante, demulcet & discutit humores, dulcedine nativâ mitigat; globuli plumbei nec partibus solidis Erethismum creant, nec fluidis acorem inducunt, partium diversarum unionem non impediunt, nec putredinem pariunt: imò sunt veluti sapo ad abstergendas sordes. Si globuli plumbei tutò eximi non possint, neque pressu nervo dolorem moveant, nec in venam vel arteriam impingant, nec in sinum aliquem devolvi suo pondere sint parati, intrus latere sinas. Num vi naturæ eorum ejectionem relinquere nefas? si ad cutem regeruntur, si in vacuo ventris delitescunt, si inter musculos in membranâ adiposâ interdum nidulantur, non ne fovere impunè globulum in sinu præstat quàm periculosè eximere.

V.

GLOBULI plumbei parti cuidam periculosè hærescunt, omni ratione dimoveantur è loco, pulsu, pressu, frictu, percussione, extractione facili; si horum nullâ ope ejici possint, nec impunè servari, extrahantur, quâ viâ? eâ quam contraaperturam vocant. Ergò, inquires, non servandi globuli. Imò servandus æger. Melius est cum periculo dubium tentare quàm inconsultò expectare ineluctabile fatum. Vulnus angustum dilatetur, si non longè distent globuli à cute, parte oppositâ extrahe specillo, si ossibus hæreant, terebello, si in carne consistent, ad eos eximendos conveniunt forcipes cannulatæ, quæ formam exhibent rostri anserini, simulque corvini, si longiùs distent, tenues oblongæ in

modum rostri gruini efficta, quæ sint recta vel incurva; si sint depressi, denticulata seu colubrina. At hæc fiant quomodo? Consilioque manue. Intelligentiam quæris? Medici vexilla sub sequere. Manum? actibus repetitis & exercitio acquiratur dexteritas. Obicient iterum adagium commune, extranea eximenda ne noceant: at plumbum innocuum mille exemplis testatur experientia.

Ergo Vulneribus ex Catapultis globulos plumbeos relinquere aliquandò præstat.

DOMINI DOCTORES DISPUTATURI

M. Philippus Davier de Breville, Dotorie Hispaniarum Regina Medicus perpetuo ordinarius.

M. Guillelmus de Magny.

M. Elias-Col de Vilars, Chirurgie Gallico idiomate Professor, Regis Consiliarius, & in ejus Castellato Medicus ordinarius.

M. Jacobus Trant, è Regia Scientiarum Academia.

M. Gabriel - Antonius Jacques.

M. Henricus Besnier.

M. Petrus Maloet, Consiliarius & Medicus Regis ordinarius, necnon Domus Regie Invalidorum, Ducum & Militum, Academia Scientiarum Regie Socius.

M. Claudius de la Vigne de Frecheville, Medicus Regis & Domus Regine ordinarius.

M. Joannes Besse, Dotorie Hispaniarum Regine à Consiliis, & Medicus Primarius.

Proponebat Parisiis JACOBUS-ALBERTUS HAZON,
Parifinus, Baccalaureus Medicus, A. R. S. H. 1734.
à sextâ ad meridiem.